



समाज कल्याण दे सशक्तिकरण सरबंधी केन्द्रीय राज्यमंत्री रामदास अठावले होरें उपराज्यपाल मनोज सिन्हा हुंदे कन्नै जम्मू लोकभवन च मलाटी कीती। सोशल मीडिया दी इक पोस्ट च सिन्हा होरें उं'दे कन्नै मलाटी पर खुशी जाहिर कीती ते इस्सी केन्द्र ते प्रदेश बश्कार तालमेल च महत्वपूर्ण गेंs दस्सेआ। दौने नेताएं समाजी न्यां- कल्याणकारी स्कीमें ते हाशियें पर रौहने आहले समुदाय गी सशक्त करने सरबंधी केई सारे मामलें पर चर्चा कीती। चर्चा दौरान मुख करी ध्यान कल्याणकारी जत्नें दी अमलावरी ते विकास कम्मै ते प्रोग्राम पर दिता गेआ- तां'जे जम्मू-कश्मीर दे कमजोर वर्ग दे जीवन गी बेहतर बनाया जाई सकै।

<><><><><><>

#### **LG- Nowgam NoK**

उपराज्यपाल मनोज सिन्हा होरें कल जम्मू-कश्मीर पुलस दे कान्सटेबल ते फोटो-ग्राफर जावेद मनसूर राथर दी घरै आली गी हमदर्दी दी बिनाह पर नियुक्ति-पत्र सौंपेआ- जेड़े पिच्छले बरे नौगान पुलस स्टेशन च चानचक्क होए दे धमाके च शहीद होई गे हे। उपराज्यपाल होरें सौंगी परोआर कन्नै अपनियां संवेदना जाहिर कीतियां ते राथर उन्दी सेवा ते बलिदान गी चेता कीता। उं'ने प्रभावित परोआर गी प्रशासन आसेआ हर संभव सहायता दा भरोसा दोआया। उं'ने पुलस कर्मियें ते उन्दे परोआरें दी भलाई-बेहतरी प्रति सरकार दी वचनबद्धता गी फही पक्का कीता।

<><><><><><>

#### **Tulip-Garden Reopen (Byte)**

एशिया दा सबनें शा बड्डा इंदिरा गांधी मैमोरियल ट्यूलिप गार्डन अज्जै थमां लोकें लेई खोलेया जा'रदा ऐ। मुखमंत्री उमर अब्दुल्ला होर औपचारिक तौरा पर सैलानिये लेई इस बाग गी खोलडन। ट्यूलिप गार्डन दे परतिय खुल्लने पर अपनी खुशी प्रगट करदे होई उमर होरें अपने निजी एक्स अकाउंट पर आखेआ जे उनेंगी श्रीनगर च ट्यूलिप गार्डन दी झलक दिक्खने दा मौका लब्बा। उनें आखेआ जे बाग बड़ा गै शानदार लग्गा करदा ऐ। मुखमंत्री होरें आखेआ जे बागवाने दी टीम नै मैहकमे दे अफसरें दी दिक्ख-रिक्ख च बेहतरिन कम्म कीता ऐ। तोआई, बाग बारे जानकारी दिंदे होई बागवानी निदेशक कश्मीर माथूरा मासूम होरें आखेआ .....(बाईट)



#### LG- JK NC Leaders (Byte)

जम्मू-कश्मीर नैशनल कांफ्रेंस दे लीडरें दा इक शिष्टमंडल कल उपराज्यपाल मनोज सिन्हा होरें गी जाइयै मिलेया ते घाटी च हालिया विरोध प्रदर्शन दौरान हिरासतै च लैते गेदे नौजवाने बारे गल्लबात कीती। इनें नौजवाने गी ईरान दे सबनें शा बड्डे नेता अयातुल्लाह अली खामेनेई हुंदी मौती दे विरोध-प्रदर्शन दौरान हिरासतै च लैता गया हा। शिष्टमंडल चा विधायक तनवीर सादिक अली मोहम्मद डा- जावेद रियाज़ बेदरा ते हिलाल अकबर लोन शामिल हे। उ'नें उपराज्यपाल हुंदे अग्गे गुजारश कीती जे इनें मामले दी परतियै दिक्ख-सुन कीती जा तां' जे एदे च शामिल नौजवाने प्रति हमदर्दी आहला रें रखदे होई कोई फैसला लैता जा। मीडिया कन्ने इस बारे गल्ल करदे होई MCA जैदीबल तनवीर सादिक होरें आखेआ .....(बाईट)

तोआई मुखमंत्री हुंदे सलाहकार नासिर असलम वानी होर बी कल उपराज्यपाल हुंदे नै मिले।

<><><><><><>

### **Prog. Announcement (Byte)**

आकाशवाणी जम्मू दे क्षेत्रीय समाचार एकांश आसेआ अज्ज 16 मार्च गी “राष्ट्री टीकाकरण दिवस-2026” दे मौके पर 25एं मिंटें दा इक विशेष कार्यक्रम प्रसारित कीता जाहग- जेहदा विशेषे होग “टीकाकरण जागरूकता राएं सार्वजनिक सेहत गी निग्गर बनाना”। इस विशेष कार्यक्रम दा प्रसारण दपैहरी 12 बजे कीता जाहग ते एहदे च सहाड़े परौहने होडन- जम्मू-कश्मीर सरकारै दे सेहत विभाग दे राज्य टीकाकरण अधिकारी डॉक्टर शाहिद हुसैन- जेहड़े इस चर्चा राएं अपने माहिराना बचार सांझे करडन। इस कार्यक्रम दी मेजबानी करगंन सहाड़े न्यूज विजय बजाज।

<><><><><><>

ते हुंन बाकि दिएं खबरें कन्नै जगमोहन शर्मा:-

<><><><><><>

### **Dy.CM Nowshera (Byte)**

उपमुखमंत्री सुरिन्दर चौधरी होरें जिले दे नशैहरा विधान सभा हलके दे अपने दौरै दौरान केंई विकास कम्में दी शुरुआत कीती ते लोकें दियें दिक्कतें-परेशानियें गी सुनेआ। उपमुखमंत्री होरें प्रदेश दे हर इक इलाके धोड़ी सखल्ली पुज्ज जकीनी बनाने लेई उत्थै निग्गर सड़क ढांचा उपलब्ध कराने दे सरकार दे धेइये गी पक्का कीता। प्रधानमंत्री ग्राम सड़क योजना तैहत उ'नें केंई सड़क परियोजनाएं दा नीह पत्थर रक्खेआ। इस दौरान उ'नें जनता दरबार लाइयें लोकें दियें दिक्कतें-परेशानियें ते मंगें गी सुनेया ते उन्दे हर जायज मसले दा सरबंधत मैहकमे कन्नै

पुट्टियै- पैहल दी बिनाह पर तौले हल्ल कड्डने दा यकीन दोआया। इस मौके लोकें गी सम्बोधित करदे होई सुरिन्दर चौधरी होरें आखेआ.....(बाईट)

<><><><><><>

### CS Land Digitalization

मुख्य सचिव अटल डुल्लु होरें डिजिटल इंडिया जिमी रिकार्ड आधुनिकीकरण कार्यक्रम DILRMP, स्वामित्व- युनीकलैंड पार्सल नम्बर ते “नक्शा” प्रोग्राम तैहत जम्मू-कश्मीर च जिमी रिकार्ड दे डिजिटलीकरण बारे इक उच्ची सतह दी बैठक दी अध्यक्षता कीती। मीटिंगे च सीनियर अधिकारी शालीन काबड़ा ते राजीव रंजन होरें जिनें विषयें पर चर्चा कीती- उन्दे च ग्राएं दा जियोरेफ्रेंस- जमाबंदियें दा डिजिटलीकरण- जिमी दा विशेष नम्बर जारी करना ते जनता दियें शकैतें दा हल्ल कड्डना शामिल ऐ। मुख्य सचिव होरें कम्मै गी समें-सिर पूरा करने- नियमें दी सख्ती नै पालमा करने ते डिविजनल कमीशनरें ते सरबंधित DC’s आसेया एहदे पर नेइमी तक्क रक्खने पर जोर दिता तां’जे सारी प्रक्रिया ते कम्मै च पारदर्शता जकीनी बनाई जाई सकै।

<><><><><><>

### Sahitya-Sanskriti JU (Byte)

2 रोजा “साहित्य संस्कृति संगम” दा सरिस्ता जम्मू युनिवर्सिटी च कीता गेआ। इस संस्कृति कार्यक्रम च लखारियें- कलाकारें ते होर दुए सरबंधी लोकें हिस्सा लैता। इस दौरान खिते दी समृद्ध संस्कृति ते विरासत गी उजागर कीता गेआ। मशहूर गायकें सरस भारती ते बिशन दास होरें कार्यक्रम दा सरिस्ता करने लेई आयोजकें दी सराहना कीती ते आखेआ जे नेह आयोजनें

कन्नै कलाकारें गी अपना हुनर दस्सने दा मौका हासिल हुंदा ऐ। आकाशवाणी समाचार कन्नै गल्ल करदे होई गायकें सरस भारती ते बिशन दास होरें आखेआ.....(बाईट)

<><><><><><>

### **Ramban Fruit Market (Byte)**

बागवानी दे उत्पादें गी बजार तगर पजाने ते योजना सरबंधी मैहकमा रामबन आसेआ नमीं फल ते सब्जी मंडियां कायम कीतियां गेइयां न तांजे राई-बाई सरबंधी कारोबार गी मजबूत कीता जाई सकै। एह मंडिया करसानें गी बजार तगर पुज्ज बनाने ते सुरक्षित भंडारण दी बवस्था उपलब्ध करोआने लेई न। एह विकास कम्म फल मंडियें गी आधुनिक ते अज्जै-कल्लै दा बनाने- तयशुदा बजार आहली थाहर- मुकामी बागवानी सरबंधी अर्थबवस्था गी बढ़ावा देने ते करसानें दी आजीविका लेई मदद करने लेई कीते गे न। इस बारे होर मती जानकारी दिंदे होई रामबन दे Area Marketing अफसर Teshsin Iqbal Chib होरें आखेआ.....(बाईट)

### **Weather**

जम्मू खिते दे नेकां हिस्सैं च कल्लै थमां हल्की थमां दरम्याने दर्जे दी बरखा बरा करदी ऐ- जेहदे नै पिच्छले केंई दिनें थमां पवा' रदी सुक्की ठंडू कोला किश राहत थहोई ऐ। पच्छमी ब्हाएं च बनी दी नमीं खोद्दल करियै अज्ज पूरी ध्याड़ी ते फही 18-20 मार्च बशकार होर बरखा ते उप्परले इलाकें च बर्फबारी जारी रौहने दी मेद ऐ। मौसम केंद्र श्रीनगर नै समूलचे जम्मू-कश्मीर

च 20 मार्च तगर मौसम दे आमतौरा पर बदलोखड़ा रौहने दी पेशनगोई कीती ऐ। इस दरान प्रदेश दे नेकां हिस्सें च रूकी-रूकियै बरखा ते बर्फबारी होने दी मेद ऐ।

<><><><><><>